

Julio Iglesias aske



117 eguneko bahiketa

Erreakzio sozial eta politikoa, mobilizazioak eta polizi ekintzak ezohizkoak izan dira bahiketaldi honetan

UZTAILAK 5. Julio Iglesias Zamora ingeniaria bahitu zuten lan egiten duen Ikusi enpresatik etxera zihoala. Familiak **desagerpena** salatu eta hurrengo egunean Poliziak enpresariaren autoa, Renault-21 bat, aurkitu zuen Añorga auzoan. Barruan Iglesiasen nortasun agiria, autoko giltzak eta produktu farmako baten kapsula zeuden.

UZTAILAK 7. Alderdi politikoek, enpresariak eta sindikatuak bahiketa gaitzetsi zuten. Barne Sailak eta Gobernuaren Ordezkaritzak Euskal Autonomi Elkartearen gizarikaren laguntza eskatu zuten. Enpresariak **ekonomiaren kontrako kolpetzat** jo zuten bahiketa. Bahiketa ekonomi krisiari lotzea «aitzakia» zela esan zuten HBk eta LABek.

UZTAILAK 9. Ikusi enpresako langileek hamar minutuko **lanuztea** egin zuten bahiketaren aurka protestatzeko. **Elkarri-k** bahiketa ezetsi eta Iglesias aske uztea eskatu zuen. Bilbon BAKeko kideek hasiera eman zioten bahiketa amaitu arte iraun duen **itxialdiari**.

UZTAILAK 12. Ikusiko langileek deitutako **kontzentrazio** isilak jende ugari bildu zuen Donostiako Bulebarrean. Jose Antonio Ardanza lehendakaria bertan izan zen.


UZTAILAK 15. Familiak **Antonio Elozegi** abokatuak izendatu zuen bozeramaile. Kaze-tarien aurreko lehen agerraldian, Elozegi Iglesiasen berri emateko eskatu zuten bahitzailerei eta arazoa konpontzeko familiak «ahal dituen bide guztiak erabiltzeko» eskubidea aldarrikatu zuen.

UZTAILAK 16. Eusko Legebiltzarrak minutu bateko isilunea egin zuten bahiketaren aurka protestatzeko.

UZTAILAK 19. Ikusiko langileen batzarrak Iglesiasen bahiketaren aurkako **mobilizazioak** zehaztu zituen. Astelehenero hamar minutuko kontzentrazioa egingo zuten enpresaren atarian eta ostegunero manifestaldia Donostiako kaleetan.

UZTAILAK 22. Ikusiko langileen lehen manifestaldia. Amara auzotik atera eta Gipuzkoa plazan amaitu zen komunikatu baten irakurketarekin. **Goardia Zibilak** eta **Ertzaintzak** Leitzaran harana arakatu zuten Iglesiasen bila.

UZTAILAK 26. Hamar minutuko lanuztea egin zuten Ikusiko langileek Iglesiasen askatasuna eskatzeko. Elozegi lau eguneko epea aipatu zuen familiak beste neurri batzuk hartzeko.



Abuztuaren 3an Julio Iglesiasen argazkia agertu zen 'Egin-en', ETak bahiketa bere gain hartzen zuela. EGIN

UZTAILAK 27. Ajuria Eneko **Ituna bildu egin zen** Julio Iglesiasen bahiketa aztertzeko. Itunkideek «ETako eta HBko kideen isiltasuna» salatu zuten eta indarkeriaren aurka azaltzeko «ausardirik eza» leporatu zieten.

UZTAILAK 28. Itunak bahiketaren aurkako **«benetako matxinada»** lideratuko zuela adierazi zuen Ramon Jauregi PSE-EEko idazkari nagusiak. Itunak «eredu militarista» duela esanez erantzun zuten HBk Ajuria Eneko itunkideei.

UZTAILAK 29. Jose Antonio Ardanza lehendakariak parte hartu zuen Ikusikoen manifestaldian. Bahiketa «aurrikuspen ekonomikoak suntsitzen» ari zela esan zuen Ardanzak.

UZTAILAK 31. Lau orduko itxialdia egin zuten Ikusiko langileek beren lantegian.

ABUZTUAK 3: 'Egin' egunkaria helarazitako **agiri** batean bahiketaren ardura bere gain hartu zuen ETak, beste atentatu batzuen artean. Froga gisa Julio Iglesiasen argazkia bidali zuen.

ABUZTUAK 5. ETak 1.000 milioi pezetako **erreskatea** eskatu zuela kaleratu zuen 'El Pais' egunkariak. Elozegi informazioa gezurtatu egin zuen, «asmakizun hutsa» zela esanez.

ABUZTUAK 9. ETaren ustezko estortsio sarearen kontrako 'Diru gutxi' operazioak bahi-

keta amaitzen «lagundu» egingo zuela esan zuen Atutxak.

ABUZTUAK 10. Julio Iglesias aske uzteko gestioak egingo zituela azaldu zuen Elkarri-k, bakearen eta akordioaren aldeko mugimenduak.

ABUZTUAK 12. Donostiako Aste Nagusia zela eta, jendetza ugari bildu zen Ikusiko langileen manifestaldian. **Indar enpresako** ELA sindikatuak bat egin zuten mobilizazioarekin.

ABUZTUAK 15. Julio Iglesias **ondorengo orduetan aske** utziko zutela argitaratu zuen 'El Diario Vasco' egunkariak. Bi aldeek 500 milioi pezetako erreskatea adostu zutela zioen aipatutako informazioak.

ABUZTUAK 16. Rafael Vera Segurtasunerako Estatu idazkaria Goardia Zibileko, Polizia Nazionaleko eta Ertzaintzako arduradunekin bildu zen Donostian bahiketaren aurkako polizi lanak koordinatzeko.

ABUZTUAK 24. Jon Azua Industria kontseilariak Ikusi enpresa bisitatu eta Angel Iglesiasekin bilera egin zuen.

ABUZTUAK 30. Ikusi enpresara egindako bisitan Jose Eloorrieta ELAko idazkari nagusiak uko egin zion sindikatuak bahiketaren aurkako mobilizazioen protagonismoa hartzeari.

ABUZTUAK 31. Kontxako hondartzan zabaldutako plastikozko **uso txuri** baten inguruan orduerdiko kontzentrazioa egin

zuten Ikusiko beharginek.

IRAILAK 2. Elkarri-ko kideek parte hartu zuen Ikusikoen manifestaldian.

IRAILAK 4. Julio Iglesiasen bahiketaren aurkako **Iniziatiba Hiritarra** aurkeztu zen Donostian eta irailaren 11n egingo zen manifestaldirako deia zabaldu zuen.

IRAILAK 5. Hiru mila pertsona inguru bildu ziren Gasteizen talde bakezaleek deitutako kontzentrazioan.

IRAILAK 7. Ajuria Eneko Mahaia bildu zen eta bere poza agertu zuen «gizarikaren erantzunagatik». Halaber, Iniziatiba Hiritarren manifestaldira joateko deia egin zuen.

IRAILAK 11: Julio Iglesias aske uztea eskatzeko Iniziatiba Hiritarra deitutako **manifestaldian** milaka pertsona bildu ziren Donostian.

IRAILAK 16. Europako Parlamentuak Iglesiasen askatasuna eskatzeko ebazpena onartu zuen. Proposamenak eztabaida bizia piztu zuen Karmelo Landa HBko ordezkariaren eta PPko eta PSOEko eurodiputatuen artean.

IRAILAK 20. Ikusi enpresak euskal preso politikoak dauden Valdemoro eta Darocako kartzeletako segurtasun sistemak jarri zituela ezagutarazi zuen 'El Mundo' egunkariak.

IRAILAK 23. Hamargarren aldiz manifestatu ziren Ikusiko lan-

gileak Donostiako kaleetan.

URRIAK 1. Goardia Zibilak ustez bahiketarekin zerikusia izan zezakeen zuloa atzeman zuen Hernanitik hurbil eta agente ugari zabaldu zuen Adarra mendiaren inguruan.

URRIAK 12. Bahiketaren ehungarren eguna betetzen zela eta, giza kate batek Iglesiasen askatasuna eskatu zuen Bilbon, Bakearen Aldeko Koordinakundeak deituta.

URRIAK 15. Armadako Aireko hegazkinak parte hartu zuten Iglesiasen bila Adarra mendian Goardia Zibilak hedatutako miaketa operazioan. Elozegi, berriz, Poliziaren helburuak bahitzailen atxilotetaren gaitetik Iglesias «onik» ateratzea izan beharko lukeela esan zuen. Egun berean Angel Iglesias Ikusiren jabea Rafael Vera Segurtasunerako Estatu idazkariarekin bildu zen Madril.

URRIAK 16. ETak Iglesias askatzeko agindua emana zuela adierazi zuen Xabier Arzalluzek.

URRIAK 20. Iglesias askatzeko polizi operazioa **show** bat gertatzen ari zela esan zuen Ardanzak.

URRIAK 21. Bahiketaren aurkako Iniziatiba Hiritarra go-goeta eguna antolatu zuen Bilbon. **Show-a** «komunikabideek eta politikariek» egiten dutela erantzun zion Jauregi Ardanzari.

URRIAK 27. Iniziatiba Hiritarra bahiketari buruzko go-goeta ekitaldia egin zuen Donostian.

URRIAK 28. Ikusiko langileen manifestaldia Donostian.



ANDOAINGO UDALA

IRAGARKIA

9. Poligonoko Hiri Antolamendurako Plan Orokorreko Elementuen Aldaketa Proiektuaren onarpen espedientearen izapidaketa-prozeduran akats bat izan dela oharturik, berriro ateratzen da jendaurrea, Andoaingo Udaletxeko Hirigintza Negoziatuan, aipatu proiektuaren hasierako onespenean erabakia, aldaketa burutzeko espedientearekin batera. Eta jendaurrean egongo da hilabete epean (93.10.27) GAO dagokion iragarkia argitaratu eman eta hurrengo egunetik kontatzen hasirik, erabakiak erasan dezakeen edonork aztertu eta egoki irizten dituen ohar eta alegazio guztiak egin ditzan.

Andoain, 1993ko urriak 29. ALKATEA